



Broj: 01-50-1-15-58/09.
Sarajevo, 23. jula 2009. godine

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET: O b a v j e š t e n j e

Predstavnički dom Parlamentarne skupštine BiH je, 22. jula 2009., održao 58. sjednicu. Na sjednici su, uz ostalo, razmatrani materijali koji su u nadležnosti i Doma naroda, o čemu vas obavještavamo kako slijedi.

1. Zahtjev Vijeća ministara BiH za razmatranje Prijedloga zakona o izmjeni i dopuni Okvirnog zakona o visokom obrazovanju BiH po hitnom postupku, u skladu s članom 127. Poslovnika;
2. Prijedlog zakona o izmjenama i dopunama Zakona o osnovama sigurnosti saobraćaja na putevima u BiH, predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku (drugo čitanje);
3. Prijedlog zakona o izmjenama i dopunama Zakona o plaćama i naknadama u institucijama Bosne i Hercegovine (drugo čitanje);
4. Izvještaj komisije Kolegija o nastojanju za postizanje saglasnosti o Prijedlogu zakona o izmjeni Zakona o državnoj himni BiH (prvo čitanje);
5. Specijalni izvještaj Ombudsmena za ljudska prava BiH u vezi sa žalbama žena radi prava na naknade plaća za vrijeme porodiljskog odsustva;
6. Imenovanje članova Vijeća Regulatorne agencije za komunikacije (prijedlog: Vijeća ministara BiH);
7. Imenovanje predsjednika, zamjenika predsjednika i članova Nezavisnog odbora i Odbora za žalbe građana kao nezavisnih tijela policijske strukture BiH (prijedlog: Ad hoc Zajedničke komisije za provođenje procedure imenovanja Nezavisnog odbora i Odbora za žalbe građana);
8. Potvrđivanje Odluke predsjedavajućeg Vijeća ministara BiH o smjeni ministra sigurnosti BiH i zamjenika predsjedavajućeg Vijeća ministara BiH Tarika Sadovića;
9. Prijedlog odluke o dopuni Odluke o imenovanju članova Vijeća nacionalnih manjina BiH (predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku);
10. Davanje saglasnosti za ratifikaciju:
 - a) Sporazuma o uspostavljanju Regionalne škole za javnu upravu (ReSPA),
 - b) Dodatnog protokola uz Evropsku konvenciju o uzajamnoj pomoći u krivičnim stvarima,
 - c) Konvencije o procjeni okolišnih uticaja u prekograničnom kontekstu – Espoo (Finska), 25. februara 1991. godine,
 - d) Konvencije o sprečavanju većih industrijskih nezgoda, br. 174. iz 1993. godine, i Preporuka o sprečavanju većih industrijskih nezgoda, br. 181. iz 1993. godine, Međunarodne organizacije rada,
 - e) Preporuke o otvaranju radnih mjesta u malim i srednjim preduzećima, br. 189. iz 1998. godine, Međunarodne organizacije rada,

- f) Preporuke o promoviranju zadruga, br. 193. iz 2002. godine, Međunarodne organizacije rada,
- g) Preporuke koja se odnosi na listu profesionalnih oboljenja, br. 194. iz 2002. godine, Međunarodne organizacije rada,
- h) Preporuke o razvoju ljudskih potencijala, obrazovanju, osposobljavanju i stalnom usavršavanju, br. 195. iz 2004. godine, Međunarodne organizacije rada,
- i) Preporuke koja se tiče radnog odnosa, br. 198. iz 2006. godine, Međunarodne organizacije rada.

Ad. 1.

Predstavnički dom je po hitnom postupku usvojio Prijedlog zakona o izmjeni i dopuni Okvirnog zakona o visokom obrazovanju BiH.

Ad. 3.

Prijedlog zakona o izmjenama i dopunama Zakona o osnovama sigurnosti saobraćaja na putevima u BiH (predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku) usvojen je s dva amandmana.

Amandman 1.

U članu 2. vrše se sljedeće izmjene:

- U stavu (1) riječi: „za vozilo“ zamjenjuju se riječima: „za sjedište“.
- U stavu (2) riječi: „za vozilo“ zamjenjuju se riječima: „za sjedište“.
- Stav (3) mijenja se i glasi:

„(3) Vozač u putničkom automobilu smije prevoziti dijete starije od pet a mlađe od 12 godina na zadnjem sjedištu samo kada dijete sjedi na posebnom podmetaču prilagođenom njegovoj visini koji omogućava upotrebu sigurnosnog pojasa i kada je ispravno vezano sigurnosnim pojasom, ili je ispravno vezano u sigurnosnoj sjedalici koja je za sjedište pričvršćena pomoću sigurnosnog pojasa u tri tačke vezivanja ili posebnim kopčama u vozilu“.

- Stav (4) briše se.

Amandman 2.

U članu 3. riječi: „14 godina“ zamjenjuju se riječima: „12 godina“.

Ad. 4.

Prijedlog zakona o izmjenama i dopunama Zakona o plaćama i naknadama u institucijama BiH u drugom čitanju nije dobio entitetsku većinu, pa će se provesti usaglašavanje u Kolegiju Doma kao komisiji.

Ad. 5.

Nakon što nije postignuta saglasnost u Kolegiju Doma kao komisiji, u drugom krugu glasanja Prijedlog zakona o izmjeni Zakona o državnoj himni BiH usvojen je u prvom čitanju.

Ad. 6.

Specijalni izvještaj Ombudsmena za ljudska prava BiH u vezi sa žalbama žena radi prava na naknade plaća za vrijeme porodiljskog odsustva, zajedno s Mišljenjem nadležne komisije, nije dobio entitetsku većinu. Odmah je na sjednici provedeno usaglašavanje i nije bilo saglasnosti. U drugom krugu glasanja "protiv" Specijalnog izvještaja glasale su dvije trećine iz entiteta, pa, prema tome, Specijalni izvještaj Ombudsmena nije usvojen.

Na prijedlog iz rasprave usvojen je sljedeći zaključak:

„Zadužuje se Vijeće ministara BiH da u roku od 30 dana, u saradnji s Uredom ombudsmena za ljudska prava BiH, nađe pravni put, u skladu sa Ustavom BiH i relevantnim zakonskim

rješenjima, a koji bi omogućio ostvarivanje prava na naknade plaća za vrijeme porodiljskog odsustva ženama zaposlenim u institucijama BiH“.

Ad. 7.

Predstavnički dom nije prihvatio prijedlog zaključka Komisije za saobraćaj i komunikacije: „da se odgodi izjašnjavanje o prijedlogu Vijeća ministara BiH za imenovanje članova Vijeća Regulatorne agencije za komunikacije, i to do konačne odluke po zahtjevu Regulatorne agencije za komunikacije za autentičnim tumačenjem člana 36. st. (2) i (3) i člana 40. stav (1) Zakona o komunikacijama i okončanja zakonom propisane procedure potvrđivanja imenovanja direktora Agencije.“

Prema tome, prijedlog Vijeća ministara BiH vraćen je Komisiji na ponovno razmatranje i dostavljanje mišljenja o prijedlogu Vijeća ministara BiH za imenovanje članova Vijeća Regulatorne agencije za komunikacije BiH.

Ad. 8.

Predstavnički dom imenovao je predsjednike, zamjenike predsjednika i članove Nezavisnog odbora i Odbora za žalbe građana sa listi koje je predložila Ad hoc Zajednička komisija za provođenje procedure imenovanja Nezavisnog odbora i Odbora za žalbe građana.

Ad. 9.

Predstavnički dom potvrdio je Odluku predsjedavajućeg Vijeća ministara BiH o smjeni ministra sigurnosti BiH i zamjenika predsjedavajućeg Vijeća ministara BiH Tarika Sadovića.

Ad. 10.

Dom je usvojio Prijedlog odluke o dopuni Odluke o imenovanju članova Vijeća nacionalnih manjina BiH (predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku), prema kojoj je Hakan Varan imenovan za člana Vijeća kao pripadnik turske nacionalne manjine.

Ad. 11.

Predstavnički dom dao je saglasnost za ratifikaciju svih akata iz ove tačke.

S poštovanjem,

PREDSJEDAVAJUĆI
PREDSTAVNIČKOG DOMA
Beriz Belkić